

# **Раднинг луғат ва истилоҳдаги маъноси ва унга доир қоидалар**

15:53 / 18.04.2017 4149

Рад луғатда: қайтариш маъносидадир. Аллоҳ таолонинг сўзига ўхшаш

**اڻدتراف ڦڻرها مامڻ**

яъни: «Сўнг (Хизрни қидириб) изларига қайтдилар».(Каҳф-64)

Рад Авлнинг зиддидир. Чунки Авл бу масаланинг аслига зиёда қилишлик, рад эса масаланинг аслидан туширишдир.

Истилоҳда эса: Фарз эгаларининг улушларидан ортиб қолганини агар улар ичида асаба бўлмаса, ўзларига қайтариш. Бу қайтариш эса уларнинг ҳақлари миқдорича бўлади ва шунинг учун ҳам Сажовандий (р.а.): «Рад-Авлнинг зидди, фарз эгаларидан ортиб қолган нарсани, агар бунга ҳақли одам топилмаса ўзларининг ҳақлари миқдорича фарз эгаларига қайтарилади, фақатгина эр-хотин бундан мустасно, чунки уларга қайтариlmайди» деб айтганлар.

Бизнинг замонимизда байтулмол йўқлиги сабабли, мерос тақсимотидан ортиб қолган улушни насабий фарз эгалари ва завил арҳомлар бўлмаган ҳолда эр-хотинга қайтарилади.

Ортиқча улушни фарз эгаларига Рад (қайтариш) борасидаги мазҳабларнинг фикри:

1. Зайд ибн Собит (р.а.) айтдилар: Ортиб қолган улуш фарз эгаларига қайтариlmайди, балки байтулмолга қўйилади. Бу Имом Шофеъий ва Молик (р.а.) сўзлари ҳамdir.
2. Кўпчилик саҳобалар ва ҳанафий уламоаларининг фикрига қўра эса, қолган молни фарз эгаларига қайтарилади. Бунга Аллоҳ таолонинг ушбу сўзини далил қиласидилар:

**ءىشّلىك بىللەن ئەللى باتكىف ضعېب ىلوا ماحرالا اولواو لافن ام ىل (75) -**

**“Аллоҳнинг Китобида қон-қариндошлар бир-бирларига (меросхўр бўлишга) ҳақдорроқдирлар. Албатта, Аллоҳ ҳамма нарсани билгувчиидир.”(Анфол сураси-75)**

Чунки Аллоҳ таоло қариндошликни байтулмолдан олдин зикр қилди. Агар фарз эгаларидан ва асабалардан ҳеч ким топилмаса, қариндош бўлган завил-арҳамларга берилади ва байтулмолга қўйилмайди. Шунингдек агар фарз эгалари бор бўлсалар уларга қайтарилади ва байтулмолга қўйилмайди.

## **РАД БОБИДАГИ ТЎРТ ҚОИДА**

1. Қоида: Масалада уларга рад қилинадиган кишилардан бир навъ бўлса, уларга рад қилинмайдиган меросхўрлар (эр-хотин) йўқ бўлса, масала уларнинг сонларидан эътибор қилиб олинади. Мисол: бир киши ўлиб иккита қиз ёки иккита сингил ёки икки бувиларни қолдирди, бу суратларда масала 2 дан қилинади ва улардан ҳар бирига ярим берилади.

2. Қоида: Агар масалада уларга рад қилинадиган меросхўрлардан икки навъ ёки уч навъ жамланса, уларга рад қилинмайдиган меросхўрлар йўқ бўлса, бунда масала уларнинг улушларининг сонини эътибори билан бўлади. Мисоллар:

а) Бир киши ўлди ва буви, она бир опа ёки сингилни қолдирди. Масаланинг асли 6 дан ва лекин бошқа меросхўр йўқ бўлгани учун масала 2 дан қилинади, бу эса уларнинг улушларининг сонидир ва улар орасида тенг тарқатилади, агарчи улардан ҳар бирининг насибаси Рад қилишдан олдин 1/6 бўлса ҳам.

б) бир киши ўлиб она ва онанинг болаларини қолдирди. Онага 1/6 бўлади. Онанинг болаларига 2/3. Демак масала 6 дан бўлади, лекин бошқа меросхўр йўқ бўлганлиги учун масала 3 дан қилинади: 1/3 онага ва 2/3 онанинг болаларига берилади.

в) майит қиз ва ўғилнинг қизи ва онани қолдирса, қизга 1/2 ярим, ўғилнинг қизига 1/6, онага 1/6 демак улушлар 5 бўлади ва 1 улуш ортиб қолади, (масаланинг асли 6 дир) ва шунинг учун масала улушларининг сонини эътибори билан бўлади: 3 улуш қизга, 2 улуш ўғилнинг қизи ва опага биттадан берилади.

3. Қоида — рад қилинадиган меросхўрларнинг бир навъи билан рад қилинмайдиган меросхўрлар бўлса, аввало рад қилинмайдиган меросхўрнинг фарзи берилади. Сўнгра эса қолгани рад қилинадиган меросхўрларга тарқатилади.

Масалан: бир аёл вафот этиб, ундан эр (у рад қилинмайдиган меросхўр) ва Зта қиз қолди. Масала 12дан ҳисобланади, чунки масалада  $\frac{1}{4}$  билан  $\frac{2}{3}$  бирга келган. Эрга (масалани 4га рад қилиб бўлганимиздан кейин) 4 дан 1 улуш берилади ва 3 қолади, 3 улушни эса, учта қиз орасида тарқатилади ва агар рад қилинмаганда эди 3 қизлар 8 улуш олар эдилар ва 1 эса ортиб қолган бўларди.

4. Қоида: рад қилинадиган меросхўрларнинг икки ёки уч навъи билан рад қилинмайдиган меросхўр бўлса, унга рад қилинмайдиган меросхўр улушкининг маҳражидан қолган нарсани унга рад қилинадиган меросхўрнинг масаласига тақсимланади. Масалан: Майит ўлиб хотин, буви ва 6 та она бир опа-сингил қолдирди. Хотинга  $\frac{1}{4}$ , бувига  $\frac{1}{6}$  ва опа сингилларга  $\frac{1}{3}$ . Демак масала 12дан:  $\frac{1}{4}=3$  хотинга берилади. 9 қолади бошқа меросхўрларга, агар  $\frac{1}{6}=2$  бувига берилса ва  $\frac{1}{3}=4$  опа-сингилларга берилса, жами берилган улуш 6 бўлади. Масала аслидан 3 ортиб қолади. Лекин биз рад қилдик ва қолган ҳаммасини буви билан опа-сингилларга ҳеч нарсани қолдирмай тарқатдик: Агар хотинга  $\frac{1}{4}$ нинг энг кичик маҳражи (4)дан ўз улушкини берсак, 3 қолади ва буви билан опа-сингиллар орасида тақсимланади:  $\frac{1}{3}$  бувига,  $\frac{2}{3}$  эса опа-сингилларга берилади.

**Мавзуга оид таянч сўзлар:** авл, рад, маҳраж, улуш.

**Мавзуга оид адабиётлар:**

1. Муҳаммад Анвар Бадахшоний, «Тавзихул-фароиз ас-сирижия». Мадина Мунаввара, 1992-й.
2. Муҳаммад Али Собуний, «Ал-маворис фиш-шариатил-исломия», Лубонон
3. Носир ибн Муҳаммад Ғомидий, «ал-Хулоса фи илмил-фароиз» , Макка Мукаррама, 1996-й.

4. Мұхаммад Амин ибн Обидин, «Раддул мухтор алад-дуррил-мухтор», Қохира, 1966-й.
5. Мұхаммад ибн Аҳмад Сарахсий, «Ал-Мабсүт» Қохира, 1900-й.
6. Алоуддин Мұхаммад ибн Аҳмад Самарқандий, «Тұхфатул-фуқаҳо», Дамашқ, 1956-й.
7. Алоуддин Абу Бакр ибн Масъуд ибн Аҳмад ал-Косоний, «Бадиус-саноиъ фи тартибиш-шароиъ», Қохира, 1910-й.
8. Абдуллоҳ ибн Маҳмуд ибн Мавдуд ибн Мадуд-дин ал-Мавсилий, «ал-Ихтиёр литаълиил-мухтор», Қохира, 1951-й.
9. Бурхониддин ал-Марғиноний, «ал-Ҳидоя шарҳ Бидоятил-мубтадий», Қохира. 1996-й.
10. Абу Абдуллоҳ Мұхаммад ибн Алий ар-Раҳабий, «ал-Фароиз ар-Раҳабия», Дамашқ, 1903-й.
11. Сирожуддин Мұхаммад ибн Маҳмуд ибн Абдуррашид Сажовандий», «ал-Фароиз ас-Сирожия», Дехли, 1860-й.